

Headlines

1. प्रधानमंत्री नरेन्द्र मोदी हों आखेआ जे भारत आतंकवाद खिलाफ लड़ाई च इजरायल कन्ने पूरी मजबूती नै खड़ोते दा ऐ।
2. इजरायल दी संसद नै प्रधानमंत्री नरेन्द्र मोदी हों गी स्पीकर ऑफ द नेसेट मैडल कन्ने सम्मानित कीता।
3. भारतीय रेलवे ओं दे होली दे त्योहार दे मद्देनजर बक्खबक्ख रेलवे जोन - होली विशेष रेल गड़डियां चलाग। 244 मार्च तगर 18 च
4. ईरान ते अमरीका दे राजदूत त्रिए दौर दी परमाणु गल्लबात लेई अज्ज जेनेवा च बैठक लाडन।
5. कोलम्बो च आई-टी .सी.सी.20 क्रिकेट विश्व कप दे सुपर मुकाबले च 8 रन्ज कन्ने हराया। 61 न्यूजीलैंड नै श्रीलंका गी



PM -Terrorism

प्रधानमंत्री नरेन्द्र मोदी हों आखेआ जे भारत मजबूती ते पूरे धेड़यै कन्ने आतंकवाद खिलाफ लड़ाई च इजरायल कन्ने खड़ोते दा ऐ। इजरायल दी संसद नेसेट गी प्रधानमंत्री हों सम्बोधित कीता। अपने सम्बोधन च प्रधानमंत्री हों आखेया जे आतंकवाद कुसै बी थाहर पर कीह नैई होए ओह हर जगह दी शांति लेई चुनौती ऐ। प्रधानमंत्री हों 7 अक्टूबर गी हमास आसेआ कीते गेदे आतंकवादी हमले च जान मुहाने आहलें प्रति संवेदना जाहिर कीतियां। उ'नें

आखेआ जे भारत दे लोक इजरायल दी पीड़ गी महसूस करदे न ते इस मुश्कल समें च उन्दे कन्नै मज़बूती कन्नै खड़ोते दा ऐ। उनें यरुशलम च इजरायली संसद गी सम्बोधित कीता। प्रधानमंत्री हुंदा पूरी संसद नै खड़ोइए तालियां बजाइयै सोआगत बी कीता। प्रधानमंत्री होरें इक अरब 40 करोड़ भारतीय आसेआ दोस्ती- सम्मान ते सांझेदारी दा स्नेहा दिता। प्रधानमंत्री होरें आखेआ जे हर समुदाय दे लोक भारत च बिजन कुसै डर-त्राह ते फर्को-फर्की दे रौहन्दे न। प्रधान मंत्री होरें आखेआ जे पिच्छले किश बरें च भारत तेजिया कन्नै बड़ी अर्थ-बवस्था बनी गया ऐ। तौले गै भारत त्री अर्थबवस्था बनी जाग।



PM –Netanyahu

प्रधानमंत्री नरेन्द्र मोदी होरें इजरायल दे प्रधानमंत्री बेन्यामिन नेतन्याहू हुंदे कन्नै गल्लबात कीती। दोनै नेताएं भारत इजरायल दपक्खी सरबंधें दे सम्पूर्ण दायरे दी समीक्षा कीती। उ'नें पानी दे प्रबंधन- राई बाई प्रोद्योगिकी ते होर दूए क्षेत्रें च सहयोग बदाने पर चर्चा कीती। इक सोशल मीडिया पोस्ट च प्रधानमंत्री होरें आखेया जे नेतन्याहू हुंदे कन्नै उन्दी बैठक बड़ी सकारात्मक रेई। चर्चा च तकनॉलोजी- जल संसाधन प्रबंधन- राई बाई ते मानवपूँजी विकास च सहयोग ते होर दुए क्षेत्रें गी बी शामिल कीता गया ऐ। इनें क्षेत्रें च सहयोग बदाने दी बड़ी मती संभावना मौजूद ऐ। इसदे थमां पैहले प्रधानमंत्री नरेन्द्र मोदी हुंदे इजरायल पुजने पर उन्दा औपचारिक सोआगत कीता गया। इजरायल दे प्रधानमंत्री बेन्यामिन नेतन्याहू होरें अपनी घरे आहली सारा नेतन्याहू हुंदे कन्नै हवाई अड्डे

पर मोदी हुंदा सोआगत कीता। प्रधानमंत्री मोदी होरें बेन्यामिन नेतन्याहू ते श्रीमती सारा नेतन्याहू हुंदे हवाई अड्डे पर सम्मानपूर्वक सोआगत कीते जाने आस्तै आभार जाहिर कीता।



PM -Medal

इजरायल दी संसद नेसेट नै प्रधानमंत्री नरेन्द्र मोदी होरें गी स्पीकर ऑफ द नेसेट मैडल कन्नै सम्मानित कीता ऐ। नेसेट अध्यक्ष अमीर ओहाना होरें यरुशलम च सांसदें गी सम्बोधित करने दे फौरन मगरा प्रधानमंत्री मोदी होरें गी एह सम्मान प्रदान कीता। प्रधानमंत्री नरेन्द्र मोदी दुनिया दे पैहले ऐसे नेता न-जिनेंगी एह सम्मान हासिल होआ ऐ। सम्मान हासिल करने मगरा मोदी होरें इक पोस्ट च आखेआ जे ओह बड़ी गै विनम्रता ते कृतंजता कन्नै नेसेट मेडल गी स्वीकार करदे न। उ'नें आखेआ जे एह सम्मान कुसै व्यक्ति विशेष गी नैई सगुआं भारत ते इजरायल बश्कार दी दोस्ती गी समर्पित ऐ।



EAM HR Council

बदेश मंत्री डाक्टर एस. जयशंकर होरें आखेआ ऐ जे भारत ने म्हेशां टकराव दे बजाय गल्लबात- बंडड दे बजाय सैहमति ते निक्के-निक्के हितें दे बजाय मनुक्खें पर केन्द्रित विकास गी प्राथमिकता दिती ऐ। मनुक्खी अधिकारें सरबंधें काउंसल दे उच्च स्तरी सत्र गी सम्बोधित करदे होई डाक्टर जयशंकर होरें आखेआ जे संघर्ष- ध्रुवीकरण ते अनिश्चितताएं कन्नै घिरी दी दुनिया च भारत-

सांझा आधार तुप्पने ते उसी मजबूत करने दी कोशश करदा रेहा ऐ। उ'नें साफ कीता जे भारत दा नजरिया इस समझ उपपर आधारित ऐ जे कुसै बी इलाके दी असुरक्षा जां कुसै बी समूह गी हाशिए पर धक्कना अखीरै च सबनें दे अधिकारें ते कल्याण गी प्रभावत करदा ऐ। डाक्टर जयशंकर होरें आखेआ जे भारत आतंकवाद दे सबनें रुपें दे बरोध च दृढ़ ते अडिग ऐ।

<><><><><><>

Railway Holi Fest

औंदे होली दे त्योहार गी दिक्खदे होई यात्रियें गी सुरक्षित- सखल्ले ते आरामदायक यात्रा यकीनी बनाने आस्तै भारतीय रेलवे नै व्यापक बवस्था कीती ऐ। यात्रियें दी गिनतरी दे संभावित बाद्दे गी दिक्खदे होई रेलवे नै बक्ख-बक्ख ज़ोन च अगले म्हीने दी 18 तरीक तगर इक ज्हार 244 खास रेल गड्डियां चलाने दा फैसला कीता ऐ। रेल मंत्रालय दा आखना ऐ जे जेकर मंग बददी ऐ तां फही इनें रेल गड्डियें दे संचालन दी गिनतरी होर बढ़ाई जाई सकदी ऐ।

<><><><><><>

US –Iran Diplomats

ईरान ते अमरीका दे राजदूत त्रीये दौर दी परमाणु गल्लबात लेई अज्ज जेनेवा च बैठक करडन। हालांकि अमरीका नै तेहरान दे तेल बपार ते थेहारें दे नैटवर्क पर ताज़ा बंदिशां लाइयां न। ईरान दे राष्ट्रपति मसदू पेज़ेशिकियन होरें आखेआ ऐ जे इस गल्लबात शा पैहले उनें गी बड़ी मती मेद ऐ। उ'नें इस गल्लबात गी

दौनें देशें बशकार केई दिनें थमां चला करदे गतिरोध च इक संभावित नतीजाकुन मोड़ करार दिता।



VP- KU Convocation

उपराष्ट्रपति सी.पी. राधाकृष्णन जेहड़े कल संग्रा जम्मू-कश्मीर दे दंऊ दिनें दे दौरे पर श्रीनगर पुज्जे हे- अज्ज कश्मीर युनिवर्सिटी दे हजरत बल कैम्पस च 21में दीक्षांत समारोह च बतौर मुख परौहने शिरकत करगंन। कल श्रीनगर ब्हाई अड्डे पुज्जने पर उपराज्यपाल मनोज सिन्हा होरें उंदा सुआगत कीता। मगरा लोक भवन श्रीनगर च उन्दे लेई इक शानदार सांस्कृतिक कार्यक्रम दा सरिस्ता कीता गेदा हा- जेहदे च उ'नें जम्मू-कश्मीर दी समृद्ध सगगोसार संस्कृति गी दर्शादी गीत-संगीत दियां झलकियां दिक्खियां। उपराष्ट्रपति हुंदे दौरे गी लेइयै श्रीनगर शैहर ते एहदे आहले-दोआले दे इलाके च सुरक्षा दे निग्गर बंदोबस्त कीते गेदे न।



Jitender IIM New Blocks

केन्द्री मंत्री डाक्टर जितेन्द्र सिंह होरें कल जम्मू दे कनाल रोड स्थित ट्रिपल आई.एम दे नमें बायोलॉजिकल कैमिस्ट्री ते क्वालटी कंट्रोल क्वालटी एश्योरेंस ब्लाकें दा नीह पत्थर रक्खेया। इस मौके सी.एस.आई.आर. दे महानिदेशक एन. कलाएं सेल्वी होर बी मौजूद हे। इस मौके डाक्टर जितेन्द्र सिंह होरें संस्थान दी अनुसंधान दे क्षेत्र च योगदान ते उपलब्धियें दी परम्परा दी सराहना कीती ते

आखेया जे अरोमा मिशन ते भंगू पर आधारित प्रोजेक्टें जम्मू-कश्मीर सनें पूरे भारत दा बी मान बधाया ऐ। उनें आखेया कि ट्रिपल आई.एम. जम्मू च कीते जा 'रदे नमें निर्माण कम्म संस्थान गी बेहतर सुविधाएं कन्ने लैस करिये आधुनिकता बक्खी लेई जाने दी कोशश ऐ जेहड़ा एहदी छमताएं गी होर निग्गर ते बेहतर करोग।



SCR –Rail Parcel

दक्खन मध्य रेलवे SCR नै सिंकदारबाद रेल निलयम च अगली पीढ़ी दे रेल पार्सल ऐप्प दी शुरुआत करिये इक महत्वपूर्ण डिजिटल उपलब्धी हासल कीती ऐ। अपनी चाली दे इस पैहले डिजिटल ई- मार्केट प्लेस दा मकसद घरे थमां पिक-अप ते डिलिवरी सनें पूरी पराती सेवा पेश करिये माल ढोआई लॉजिस्टिक क्रांतिकारी बदलाव आनना ऐ। महाप्रबंधक संजय कुमार श्रीवास्तव होरे इस ऐप्प दी शुरुआत कीती। उनें लम्मी-लम्मी रीगें गी खत्म करने दे ग्राहकें दी पुज्ज तगर पार्सल आफिस गी लेई जाने च इस दी भूमिका दी जिक्र कीता। उनें लम्मी-लम्मी रीगें गी खत्म करने ते ग्राहकें दी पुज्ज तगर पार्सल आफिस गी लेई जाने च इस दी भूमिका दा जिक्र कीता। इस ऐप्प च रियल टाईम ट्रैकिंग, स्वचालित सूचना प्रदान करना ते सुरक्षित डिजिटल भुगतान दा विकल्प उपलब्ध ऐ। शुरु च इस सेवा दी आजमाईश परियोजना हैदराबाद, विजयबादा, बैंगलूरु सने 7 प्रमुख थाहरें पर कीती जा'रदी ऐ। इसदे कन्नो-कन्नी SCR नै माल ढोआई लॉजिस्टिक मार्केट पर इक व्यापक अध्ययन संचालित करने आस्तै IIM

बैंगलूरु कन्ने इक समझोता जापन पर दस्तख्त कीते न। इस सहयोग दा मकसद बुनियादी ढांचे दी पंछान करना ते 2030 तगर 3 हजार मिलियन टन कार्बो दे राष्ट्रीय लक्ष्य गी हासल करने च सहायता प्रदान करने आस्तै रेल आधारित लॉजिस्टिक गी बढ़ावा देना ऐ।

<><><><><><>

T-20 WC

कोलम्बो च आई.सी.सी. टी-20 क्रिकेट विश्व कप दे सुपर-8 मुकाबले च कल न्यूजीलैंड नै श्रीलंका गी 61 रन्जें दे कन्ने हराई दिता। न्यूजीलैंड दे इक सौ 69 रन्जें दे परते च श्रीलंका दी टीम 107 रन्जें पर गै सिमटी गई। कप्तान मिचेल सैंटर नै सब्भनें शा मते 47 रन्ज बनाए ते इक विकेट बी लैता। विश्व कप च अज्ज 2 मैच खेड्डे जाडन। पैहला दपैहरी 3 बजे वेस्ट इंडीज़ ते दक्खन अफ्रीका बश्कार ते दुआ संजा 7 बजे भारत ते जिम्बाब्वे बश्कार होग।

<><><><><><>

IMD

मौसम विभाग नै अज्ज अंडमान ते निकोबार च हलकी थमां दरेयाने दर्जे दी बरखा- गरज- बिजली चमकने ते तेज हवा चलने दा अनुमान जताया ऐ। उत्तरी आंतरिक कर्नाटक ते तेलंगाना च ऐसी गै स्थिति बनी रौहने दा अनुमान ऐ। विभाग दा आखना ऐ जे जम्मू कश्मीर- हिमाचल प्रदेश ते उत्तराखंड च कल तगर बरखा जां बर्फबारी दी संभावना ऐ। पंजाब ते हिमाचल प्रदेश च अज्ज

बड्डले घने कोहरे दी मेद ऐ। उत्थे गै अगले 7 दिने दौरान मुल्ख दे उत्तरी पच्छमी हिस्सें च बद्दोबद्द तापमान 2 थमां त्रै डिग्री सैलसियम तगर बदी सकदा ऐ।

